

Ljiljana Hellman

Zastupnik Sekretarijata u prvostepenom postupku u predmetima *Mladić i Stanišić i Simatović* u žalbenom postupku u predmetu *Gotovina i Markač*.

PROFESIONALNO ISKUSTVO:

Krajem devedesetih godina radila je kao pravni analitičar nevladine organizacije Fond za humanitarno pravo sa sjedištem u Beogradu, gdje je uzimala, dokumentovala i analizirala izvještaje žrtava ratnih zločina počinjenih na Kosovu. Nakon pada Miloševićevog režima radila je kao pravni savjetnik i šefica Odjeljenja za ratne zločine Misije OEBS-a u Srbiji i Crnoj Gori. Tokom 2005. godine radila je u Sarajevu kao *pro bono* analitičar suđenja za ratne zločine Fonda za humanitarno pravo i pratila početak rada Vijeća za ratne zločine Suda BiH. Od 2006. do 2009. bila je menadžer projekta za Balkan holandske nevladine organizacije *Impunity Watch*. Tokom 2008. i 2009. bila je član istraživačkog tima Organizacije za evropsku bezbjednost i saradnju (OEBS) koji je pripremio izvještaj "Podrška procesu tranzicije: naučene lekcije i najbolja praksa u transferu znanja" u kojem su identifikovane preostale potrebe pravosuđa u bivšoj Jugoslaviji kao i efikasnost do sada sprovedenih aktivnosti na izgradnji kapaciteta. Ovaj izvještaj poslužio je kao osnova za projekat *Pravda i ratni zločini* koji su zajedno sproveli OEBS, Međunarodni krivični sud za bivšu Jugoslaviju i Međuregionalni institut Ujedinjenih nacija za istraživanje zločina i pravde (UNICRI). Tokom 2009. godine, u ime Misije OEBS u Bosni i Hercegovini sastavila je Outreach strategiju za suđenja za ratne zločine pred okružnim sudovima koja vode okružna tužilaštva. Od januara 2010. godine radi kao predstavnik Sekretarijata u sudnici na MKSJ. Završila je nekoliko projekata u saradnji s Međunarodnom advokatskom komorom iz Londona i predstavnikom OEBS za slobodu medija u Beču. Takođe je predavala na brojnim ljetnjim školama i kursevima o međunarodnom humanitarnom pravu i vodila obuku aktivista nevladinih organizacija o ljudskim pravima i tehnikama pretrage podataka. Autor je, ko-autor i urednik brojnih izvještaja i publikacija o ljudskim pravima i članaka o međunarodnom pravu oružanog sukoba, prisilnim nestancima i teškim povredama ljudskih prava.